

## لمس الأيات

قلت ملذات نفسى يانهار الريوع  
الظاهر انى نويت أرتاح والبال طاب  
ياكثر ماشبت وطفت بدربي شموع  
ماكنه الا شبيه الحلم ، ولا السراب  
اتبع مضارب طموحاتي وأكف الدموع  
وأخذاف تفتح من أبواب الحواسيد باب  
ما اصعب من التكملة فالدرب غير الرجوع  
لاصار خلقك حساب وقدم وجهك حساب  
النفس لو تقتنع يا أرذاها .. ماتجوع  
والحظ لو جاب من خافي بلاويه جاب  
قلت الصراحه على شان أتحاشي الرکوع  
اللى يهاب الصراحه طول عمره يهاب  
عمر القلوب البليدة ماحوتها ضلوع  
ولاهو بشرط الذهب يصير نفس الآيات  
الستروالعاافية تملأ عيون القنوع  
مادام ثبت التراب يرد تحت التراب  
ياليت ساس الوفاء ماصار ضمن الفروع  
وياليت طول الصبر يرضي عزيز الجناب  
أحياناً يسقط رطب لو ماتهز الجذوع  
ويسكن مكانه هو الغربي وظل السحاب  
وأحياناً يظهر لجدران المباني سموع  
وتبوح سر الصدور اللي ستراها الغياب

محمد بن مجلوب البارودي

اقبلت لك .. طيف ينطق صمت صفتة عتب  
ولا بيك أنا .. صوت يتحسس عذاب الضمير  
أكبر من العشق/عشقي لك .. وطاح الخطب  
وأظهر من الشوق/شوقي لك.. وحرفي بشير  
يعيوني الحزن .. وإدموعي تذلل الهدب  
وإغيايك :: الليل .. والترحال .. والزمهرير  
كانى كسيت الحسايف من غلاتك .. لهب  
واقفية بك .. بين حلم المغفرة والسعير  
قولي .. لشمسك تصحي حلم فيني غرب  
من قبل لاروح .. والدنيا.. يعييني حسر

ماجد عبدربه

يستبشر «الحلم» ضحكاته بصوت انشحب  
ويطاوله صوت «ضيق» مابت بالسir  
كن الليالي / قوافل للشتا .. والصخب  
والدرد / برد .. ومشاريه السهر تستجير  
ماهي غريبة .. ينام الليل ميت تعشب  
لكن .. غريبة تصحي الصبح دمعة كسير  
توى نزفت المسافة .. والطريق انتصب  
والركض صوت وتلاشي في سراب المصير  
ياعذر وينه رصيف..؟! هالخطاوي غضب  
تستجمع انفاسي وتنفذ بدربي هجير  
كثي شحدت الثوابي .. لجل أجى واقترب  
وللح بصدر الثوابي : دمعتين .. وأسيير  
ـ اقبلت لك.. لجل أجى وآروح بك وافترب  
ولا جيت لك.. في ليالي الوصل (عاير سير

# حلم